

Uslovi korištenja podjele kartičnih transakcija na rate

Korisnicima kreditnih kartica, kao i korisnicima debitnih kartica sa ugovorenim automatskom produženjem prekoračenja se omogućava podjela na rate transakcija plaćanja roba i usluga na POS terminalima, na internetu, kao i transakcija podizanja gotovine u zemlji i inostranstvu. Korisnik može podijeliti sve proknjižene transakcije u iznosu od 30 KM i većem uz uslov da nisu prethodno podjeljene na prodajnom mjestu kod trgovaca sa kojima Banka ima potpisan ugovor. Minimalan broj rata su 2 (dvije) a maksimalan broj su 24 (dvadesetčetiri) rate, u zavisnosti od iznosa transakcije. Minimalan iznos rate je 10,00 KM. Iznos transakcije koju je moguće podijeliti je ograničen odobrenim i raspoloživim sredstvima na kartici. Kreditni limit, se smanjuje za iznos transakcije podijeljene na rate, a isti se povećava za iznos uplaćenih mjesečnih rata, neuključujući iznos naknade

Podjela na rate je moguća i za osnovne i dodatne kartice, kako od strane Korisnika tako i od strane dodatnog korisnika, ukoliko je isti određen po kartici.

Podjela na rate nije moguća za transakcije koje su napravljene u kockarnicama ili kladionicama. Podjela na rate putem elektronskih servisa nije moguća po karticama koje su trajno blokirane. Podjela na rate nije moguća ukoliko je iznos transakcije veći od trenutnog duga po partiji kartice.

Banka ima pravo bez posebnog obrazloženja odbiti platne transakcije uključivši i podjelu transakcija na rate u slučaju sumnje na korištenje kartice i provođenje transakcija u suprotnosti sa Ugovorom, Opštim i posebnim pravilima i procedurama Banke, zakonskim propisima, te pravilima kartičnih organizacija (Visa i Mastercard International pravilima).

Proknjižene transakcije je moguće podijeliti u tekućem mjesecu.

Podjela na rate se vrši putem elektronskih servisa na način da Korisnik osnovne kartice za osnovnu karticu i/ili dodatnu karticu odnosno dodatni korisnik za dodatnu karticu izabere proknjiženu transakciju koju želi podijeliti na rate, te mu se izborom opcije „Podijeli na rate“ prikažu informacije o podjeli predmetne transakcije. Opcija „Podijeli na rate“ je dostupna samo za transakcije koje ispunjavaju uslove za podjelu na rate. Korisnik na ovom ekranu bira broj rata na koje želi podijeliti transakciju, te nakon izbora broja rata i prihvatanja Uslova za podjelu na rate korisniku se prikazuju informacije o transakciji, iznos rate, iznos pripadajuće naknade po rati, plan otplate, odnosno datum prve i posljednje rate.

Korisnik nakon što verifikuje da je upoznat sa uslovima i iznosom naknade potvrđuje podjelu na rate PIN-om, otiskom, SMS-om ili Authenticatorom u zavisnosti od metode verifikacije koju koristi.

Rate uvećane za naknadu dospjevaju mjesečno, sve do konačnog izmirenja obaveza. Na transakcije podijeljene na rate se ne plaća kamata. Broj rata koji je definisan putem elektronskih servisa nije moguće mijenjati, niti je moguće poništiti podjelu na rate. Prijevremeno izmirenje ukupnog iznosa transakcije sa pripadajućom naknadom za sve rate moguće je samo u jednoj od poslovnica NLB Bank a.d. Banja Luka.

Iznos naknada koja se naplaćuju za ovu funkcionalnost usluge utvrđene su Tarifama Banke.

Pregled naknada:

BROJ RATA	IZNOS	NAPOMENA
2 - 3 rate	4.00%	Naknada se obračunava na cjelokupan iznos transakcije, dijeli se na broj rata i dospjeva uz svaku ratu.
4 - 6 rata	4.50%	
7 - 9 rata	5.00%	
10 - 12 rata	5.50%	
13 - 15 rata	6.00%	
16 - 18 rata	6.50%	
19 - 21 rata	7.00%	
22 - 24 rate	7.50%	

Reprezentativni primjer:

Iznos transakcije (KM)	Broj rata	Ukupna naknada (KM)	Naknada po rati (KM)
200,00	2	8,00	4,00
300,00	6	13,50	2,25
800,00	12	44,00	3,67